

Tzeltal de Oxchuc: Bible for 1 Juan
Formatted for Translators

©2022 Wycliffe Associates

Released under a Creative Commons Attribution-ShareAlike 4.0 International License.

Bible Text: The English Unlocked Literal Bible (ULB)

©2017 Wycliffe Associates

Available at <https://bibleineverylanguage.org/translations>

The English Unlocked Literal Bible is based on the unfoldingWord® Literal Text, CC BY-SA 4.0. The original work of the unfoldingWord® Literal Text is available at <https://unfoldingword.bible/ult/>.

The ULB is licensed under the Creative Commons Attribution-ShareAlike 4.0 International License.

Notes: English ULB Translation Notes

©2017 Wycliffe Associates

Available at <https://bibleineverylanguage.org/translations>

The English ULB Translation Notes is based on the unfoldingWord translationNotes, under CC BY-SA 4.0. The original unfoldingWord work is available at <https://unfoldingword.bible/utn>.

The ULB Notes is licensed under the Creative Commons Attribution-ShareAlike 4.0 International License.

To view a copy of the CC BY-SA 4.0 license visit <http://creativecommons.org/licenses/by-sa/4.0/>

Below is a human-readable summary of (and not a substitute for) the license.

You are free to:

Share — copy and redistribute the material in any medium or format. Adapt — remix, transform, and build upon the material for any purpose, even commercially.

The licensor cannot revoke these freedoms as long as you follow the license terms.

Under the following conditions:

Attribution — You must attribute the work as follows: "Original work available at <https://BibleInEveryLanguage.org>."

Attribution statements in derivative works should not in any way suggest that we endorse you or your use of this work.

ShareAlike — If you remix, transform, or build upon the material, you must distribute your contributions under the same license as the original. No additional restrictions — You may not apply legal terms or technological measures that legally restrict others from doing anything the license permits.

Notices:

You do not have to comply with the license for elements of the material in the public domain or where your use is permitted by an applicable exception or limitation.

No warranties are given. The license may not give you all of the permissions necessary for your intended use. For example, other rights such as publicity, privacy, or moral rights may limit how you use the material.



1 Juan

1 TE K'OP TA SWENTA KUXINEL.¹Te jo'otike ja la jts'ibubeytik sk'oplal ta atojolik te mach'a ay ta xjajch'ibale, te ja la jkaiybeytik stojol te sk'ope, sok te la jkiltik sok te jsitike, melel la jna'beytik sba te bi yilele, te ja la jpiktik sok te jk'abtike, te ja te k'op te ya yak' te kuxinele.²Ak'ot ta ilel te kuxinele, sok jkilojtkix, sok testigootik yu'un. Te jo'otike yakotik ta yalbelex te sk'oplal te kuxinel sbajt'el k'inale, te ja ay ta stojol te Tatile, sok te ja la yak' sba ta ilel ta jtojoltike.³Ya me jkalbeyex te beluk la jkiltike sok te beluk la jkaiytk stojole, jich me junax ya xk'ootik ta jpisiltik. Ja me juybatik sok te Tatil sok te snich'an te ja te Jesucristoe.⁴Janix jich la jts'ibubeyex spasil in to swenta yu'un junax me ya sbujts'naj jkot'anik yu'un.JA' SAKIL K'INAL TE DIOSE.⁵Jai k'op to ja la yak'botik jnoptik te Kajwaltik Jesuse, ja yu'un te ya jkalbeyex awaiyike: Te Diose ja sakil k'inal stukel sok te banti ay te Diose mayuk ik'al k'inal le'a.⁶Teme ya jkaltik te joybatik sok te Diose, jauk me to teme ayotik to ta ijk'al k'inale, yakotik ta lot abi, sok ma jauk ya jch'uuntik spasel te beluk smeलेले.⁷Jauk me to teme ayotik ta sakil k'inale, jich te bit'il ay ta sakil k'inal te Diose, jich me junax ya xk'ootik abi, sok te xch'ich'el te Snich'ane te ja te Jesuse ya me spokbotik lok'el spasil te jmultike.⁸Teme ya jkaltik te mayuk jmultike, jo'otik nix me yakotik ta jlo'laybel jbatik sok te smeलेले ma me ayuk ta jtojoltik.⁹Jauk me to teme ya jkaltik te mayuk jmultike, te Dios te toj stukele ya me spasbotik perdón yu'un te jmultik sok ya me spokbotik lok'el spasil te beluk ma lekuk ta pasele.¹⁰Teme ya jkaltik te mayuk jpasotik te mulile, yakotik me ta yalel te ya spas lot te Diose sok ma me k'oem ta jkot'antik te sk'ope.

2 JA TEK'EL TA K'OP JKU'UNTIK TE CRISTOE.¹Jkal-jnich'nab, ya jts'ibubeyex in k'op to ta swenta te ma me awaiyikix mulweje. Jauk me to teme ay mach'a la ya iy mulweje, ay me mach'a ya skolteyotik ta k'op ta stojol te Tatile, ja' te Jesucristoe, te ja toj stukele.²Ja la stojbotikix spasil te jmultike, sok ma jauk nax ta jwentatik te jo'otike, janix me jich ta swenta te spamal te balumilale.³Ja ta swenta in to te ya jna'beytik sbae: Teme ya jk'ejtik te mantaliletik yu'une.⁴Te mach'a ya yale: "Ya jna'bey sba te Diose" jauk me to teme ma sk'ejoj te mantalile, yak ta spasel lot abi, ma yak ta yalel te beluk smeलेले.⁵Jauk me to te mach'a sk'ejobey te xch'ul sk'op Dios ta smeलेले, ja tul ants-wirik te k'axel ayix k'uxul yot'an abi. Jich me ya jna'tik te ayotik sok te Kajwaltike.⁶Te mach'a ya yal te junax ayix sok te Diose, jich me ya sk'an xkuxin te bit'il Jesucristoe.TE YACH'IL MANTALILE.⁷Kermanotak te k'uxex ta jkot'ane, ma me yakon ta sts'ibuybelex ach' mantalil ta atojolik, janix me te pokol mantalil te awich'ojikix ta sneelal toe. Te mantalil te namey ak'bilixe, janix me te la awaiyikix stojole.⁸Jauk me to, yakon me ta sts'ibuybelex yach'il mantalil, ja te smeलेले la swenta te Cristoe sok ta atojolik uuk, melel te ijk'al k'inale yakix me ta k'axel stukel, sok te sakil k'inale yakix me ta tilel stukel.⁹Te mach'a ya yal te ayix ta sakil k'inale jauk me to ya skontroin te yermanoe, yu'un nanix ay to ta ijk'al k'inal abi.¹⁰Te mach'a k'ux ta yot'an te yermanoe ay meix ta sakil k'inal, sok ma me ya xyalix ta mulil abi.¹¹Jauk me to te mach'a skontroinoj te yermanoe, ay me ta ijk'al k'inal sok yak ta beel ta ijk'al k'inal; ma ba ya sna' te ba ya xbeene melel makbil sit yu'un te ijk'al k'inale.¹²La jts'ibubeyex in to, jkal-jnich'nab te k'uxex ta jkot'ane, melel pasbilatikix perdón yu'un te amulik ta swentanax te sbiil te Jesucristoe.¹³La jts'ibubeyex ja'ex te me'el-tatilexe, melel ja ana'ojikix te mach'a ay ta xjajch'ibale. La jts'ibubeyex ja'ex te ch'iel ants-wirikexe, melel la atsalikix te beluk ma lekuke. La jts'ibubatix ja'ex te alalexe, melel ja ana'obey sbaikix te Tatile.¹⁴La jts'ibubeyex ta atojolik, ja'ex te me'el-tatilexe, melel ana'objey sbaikix te mach'a ay ta xjajch'ibale. Ja la jts'ibubeyex ta atojolik, ja'ex te ch'iel ants-wirikexe, melel ja'ex te tulanexe, sok te sk'op te Diose ay ta atojolik, melel ja atsalojikix te beluk ma lekuke.¹⁵Ma me k'uxuk ta awot'anik te balumilale sok te beluk ay ta balumilale. Teme ay mach'a k'ux ta yot'an te balumilale, te xk'uxul yot'an te Diose ma me ayuk ta stojol abi.¹⁶Melel spasil te beluk ay ta balumilale, te beluk ya smulan te bak'ete, te beluk ya smulan yilel te jsitike sok te toyol ya jkak'batik ta kuxinele, ma jauk yu'un te jtatike, ja yu'un te balumilale.¹⁷Te balumilale sok te beluk ya smulan spasele, yakix me ta k'axel. Yan te mach'a ya spas te sk'anjel yot'an te Diose sbajt'el k'inal ay stukel.TE ANTICRISTOE.¹⁸Jkal-jnich'nab, ayotikix me slajibal k'aal. Jich te bit'il la awaiyikix stojol te ya xtal te anticristoe, sok bayal anticristoetik talikix. Jich ya jna'tik stojol te slajibalix k'aal ayotike.¹⁹Ja lok'ik bael ta jtojoltik, jauk me to yu'unanix ma junuk ayotik sok a. Melel te junuk ayotik soke, k'axel ayotik sok te jichuke. Jauk me to te k'alal lok'ik baele, le' la yak'ik ilel a te ma junuk ayotik soke.²⁰Jauk me to te ja'ex awich'ojikix te Ch'ul Espiritue sok ja na'ojikix te beluk smeलेले.²¹La jts'ibubatix in to, ma yu'unik ma ana'ojik te smeलेले, ja ana'ojikix, melel ana'ojik te mayuk lotil k'op te ya xtal ta stojol te Diose, te ja te smeलेले.²²¿Mach'a te yak ta lote ma ba jauk te mach'a ya yal te ma jauk te Cristo te Jesuse? ja bi ja te anticristoe melel ya smuk ta yot'an te Tatil sok te Nich'anile.²³Spasil te mach'a ya smuk ta yot'an te Nich'anile ma ba ay ta stojol te Tatile. Yan te mach'a xch'uunej te Nich'anile, ja me ay ta stojol te Tatile.²⁴Te beluk awaiyojikix stojol ta sneelal toe, k'axel ainuk me ta awot'anik. Teme k'axel la awak' abaik ta stojol te beluk la awaiyikix stojol ta sneelale, jich me junax ayex sok te Nich'anile sok te Tatile.²⁵Jich k'axel yalaj ta jtojoltik te Jesuse: Te ay jkuxineltik ta sbajt'el k'inale.²⁶La jts'ibubeyex in to, ta swenta te ayuk abijilik yu'un te mayuk mach'a ya slo'layexe.²⁷Jauk me to te bit'il awich'ojikix te Ch'ul Espiritue, te ay ta atojolike, ma me yejt'aluk te ay mach'a ya snojptesatike. Melel te Ch'ul Espiritue ja me ya yak'batik ana'ik stojol spasil, smeलेले me, ma me lotiluk, jich bit'il la yak'batik anopike, k'axel junax me awak' abaik ta stojol.²⁸Jich yu'un ta ora to, jkermanotak te k'uxex ta jkot'ane, k'axel me awak' abaik ta stojol, jich me te k'alal ya xtale jun me jkot'antik yakotik ta smaliyel a sok jich me ma jtatik k'exlax a te k'alal ya xtale.²⁹Teme ana'ojik te toj stukel te Jesuse, ja ana'ojik me te mach'a ya spas te beluk toje ja me bejk'ajem ta stojol te Diose.

3

ALNICH'ANETIK YU'UN TE DIOSE.¹Ilawilik te chajp'nax xk'uxul yot'an ta jtojoltik te Jtatik Dios te bit'il la yak'botikix jbiiltik te yal-snich'antotikixe, smeilelil me te yal-snich'antotike. Ja yu'un, te ma la sna'botikbatik te mach'atik ayik ta balumilale melel ma la sna'bey sbaik te Diose.²Kermanotak te k'uxex ta jkot'ane, yal-snich'antotikix me te Diose, sok ma jna'tik te bit'il ya xk'ootik pajel-chaweje. Ya me jna'tik te k'alal ya xtal te Cristoe, jich me ya xk'ootik te bi yilel te Cristoe melel ya me jkiltik nix a te bi yilel te k'alal ya xtale.³Spisil te mach'atik jun yot'anik yakalik ta smaliyel te bi yilel te Cristoe, ya me sk'an te mayuk smulik jich te bit'il te Cristoe.⁴Spisil te mach'a ya sle te smule yak ta xk'axintesel te smantal te Diose; melel te mulile ma xch'uun spasel te beluk toj te ya yal te mantale.⁵Te ja'exe ana'ojik stojol te Cristo tal ta balumilal yu'un te tal yak' sba ta lajel yu'un te jmultike, sok ana'ojik te mayuk smul stukele.⁶Mayuk tuluk te mach'a ayix ta stojole, ya spas xan te mulile. Mayuk tuluk te mach'a yak ta spasel te mulile, ma yiloj sok ma sna'bey sba te Cristoe.⁷Jkal-jnich'nab te k'uxex ta jkot'ane, ma me xa awak'ik te ay mach'a ya yak'ex ta ch'aye. Te mach'a ya spas te beluk toje, ja me toj abi, jich te bit'il toj te Cristoe.⁸Te mach'a ya spas te mulile ja me yu'un te pukuje, melel te pukuje stalel yat'elinoj spasel te mulil ta xjajch'ibale. Ja yu'un te la yich' ak'el na'el stojol te Snich'an te Diose, swenta yu'un ya slajinbey sk'oplal te yat'el te pukuje.⁹Te mach'a bejk'ajem ta stojol te Diose, ma me ya spasix te mulile, melel te Ch'ul Espiritu yu'un te Diose ayix ta stojol. Ma me stak' xan spas mulil melel bejk'ajemix ta stojol te Diose.¹⁰Jich me ya jna'tik a te mach'a snich'an te Diose sok te mach'a snich'an te pukuje. Te mach'a ma spas te beluk toje sok te mach'a ma k'ux ta yot'an te yermanoe ma jauk yu'un te Diose.K'UXUK ME YA JKAIYBATIK TA TULUTUL.¹¹Melel jai k'op to ja te la awaiyik stojol ta sneelal toe: Ja te k'ux ya jkaiybatik ta jpisiltike,¹²ma me jichukotik te bit'il te Cain te ja amene sok te ja la smil te yijts'ine.¿Bistuuk te la smile? melel ma ba lek te yat'ele yan stukel te yijts'ine lek te yat'ele.¹³Ma me chamuk nax awaiyik, jkermanotak, teme ya awich'ik ilayel yu'un te mach'atik ayik ta balumilale.¹⁴Jna'ojtikix te lajemotik a jauk me to kuxulotikix melel k'ux ya jkaiybatik sok te kermanotaktike. Spisil te mach'a ma k'ux ya yaii sbaikte yu'un nanix ay to ta lajel abi.¹⁵Spisil te mach'a ya yiley te yermanoe jich me k'oem te bit'il milwale. Ya me ana'ik te mayuk tuluk te mach'a ya xmilwane mayuk me xkuxinel sbajt'el k'inal.¹⁶Ta swenta in to jna'ojtik te xk'uxul ot'anile, melel te Cristoe la yak' te xkuxinel ta jtojoltike. Jich me ya sk'an ya jpastik uuk te ya jkak'tik te jkuxineltik ta stojol te jkermanotaktike.¹⁷Teme ay mach'a ay beluk ay yu'un ta balumilale, teme ya yil te yermano te ay swokole jauk me to teme ma ya xk'uxtaye, ¿Bit'il me ya yak' ilel te ay xk'uxul yot'an Dios ta stojole? ¹⁸Jkal-jnich'nab te k'uxex ta jkot'ane, manchuk me k'ux ya jkaiybatik ta jk'optik nax, yu'un uuk me ta smeilelil ya jpastik.JA SMUK'UL JKOT'ANTIK TE DIOSE.¹⁹Ja yu'un ya jna'tik te ayotik ta smeilelile sok mayuk beluk ya ya'an jkot'antik ta stojol.²⁰Melel teme ya yalbotik ta jkot'antik te ay jmultike, te Diose ja k'ax muk' xan stukel te bit'il te jkot'antike, sok ja sna'oj spisil te beluk aye.²¹Jkermanotak te k'uxex ta jkot'ane, teme ma ba ya yalbotik ta jkot'antik te mayuk jmultike, jun me jkot'antik ta stojol te Dios abi.²²Spisil te beluk ya jk'antike, ja me ya yak'botik stukel, melel ya jk'ejbeytik te mantalil yu'une sok ya jpastik te beluk ya smulan stukele.²³Ja in to ja te mantalil yu'un te Diose: Te yakuk jch'uunbeytik sbiil te Snich'ane te ja te Jesucristoe sok te k'ux ya jkaiybatik ta jpisiltike, jich te bit'il la yak'botikix te mantalil yu'une.²⁴Te mach'a ya sk'ejbey te mantalil yu'un te Diose, stalel me ay ta stojol, sok nix te Diose ay me ta stojol uuk. Jich me ya jna'tik te ay ta jtojoltik ta swenta te Espiritu te la yak'botike.

4 TE ESPÍRITU YU'UN TE DIOS SOK TE ESPÍRITU YU'UN TE ANTICRISTOE.¹Jkermanotak te k'uxex ta jkot'ane, ma me xa ach'uunik spisil te mach'atik ya yalik te yich'ojik te Espiritue. Jauk me to, tsajteyame awilik neel uuk teme janix a te Espiritu yu'un te Dios te yich'ojike o teme ma jauke, melel bayal me lotil alwanejetik te lok'ikix tel ta balumilale.²Jich yu'un te ja'exe le' me ya ana'ik a teme janix te Espiritu yu'un te Diose: Spisil te mach'a ya yal ta jamal te Jesucristo te ja' la yich' sbak'etal te k'alal tale, ja me yu'un te Diose,³spisil te mach'a ya yal te ma la yich' sbak'etal te Jesuse, ma me jauk yu'un te Diose. Ja in to ja me Espiritu yu'un te anticristoe, te ja'atike awaiyojikix stojol te ya xtale, sok ta ora to le' ayix ta balumilal.⁴Jkal-jnich'nab te k'uxex ta jkot'ane te ja yu'unex te Diose, te ja'exe ja waiyojikix tsalaw, melel te mach'a ay ta atojolike ja mero muk' stukel yan te mach'a ay ta balumilale pek'el stukel.⁵Te mach'a ayik ta swenta te balumilale ja ya yalik te beluk yu'un te balumilale. Jich ya x-aiybot stojol sk'opik yu'un te mach'a pajal ayik ta swenta te balumilale.⁶Te jo'otike ja me snich'antotik te Diose. Spisil te mach'a ya sna'bey sba te Diose ya me x-aiybot stojol te sk'ope. Yan te mach'a ma yu'un uuk te Diose ma me ya x-aiybot stojol te sk'ope. Le' me ya jna'tik stojol a te mach'a yik'oj te Espiritu yu'un te smeilelile sok te Espiritu yu'un te lo'laywaneje.JA XK'UXUL OT'ANIL TE DIOSE.⁷Jkermanotak te k'uxex ta jkot'ane, jich me ya jkalbeyex te k'uxuk me ya jkaiybatik ta jpisiltik, melel te xk'uxul ot'anile ya xtal ta stojol te Diose, spisil te mach'a ay xk'uxul te yot'ane ja me bejk'ajem ta stojol te Diose sok ya sna'bey sba te Diose.⁸Te ants-winiik te ma k'ux ta yot'an te yermanoe ma sna'objey sba te Diose, melel te Diose ja xk'uxul ot'anil stukel.⁹Ja yu'un la yak' ilel te xk'uxul yot'an te Dios ta jtojoltik, te la stikun tel koel te tul Snich'an ta balumilal swenta yu'un ya xkuxinotik ta stojol te Jesuse.¹⁰Le' ya jna'tik stojol a te bit'il ay te xk'uxul ot'anile, te ma jo'okotik neel k'ux la jkaiytik te Diose, ja neel k'ux la yaiyotik stukel, ja yu'un te la stikun tel te tul Snich'ane, la sjelolinotik ta stojol te jmultike.¹¹Jkermanotak te k'uxex ta jkot'ane, te Diose k'ax k'ux la yaiyotik ta yot'an, janix me jich ya me sk'an te k'uxuk ya jkaiybatik ta jpisiltike.¹²Mayuk tuluk mach'a yiloj te Diose. Jauk me to teme k'ux ya jkaiybatik ta jpisiltike, te Diose ay me ta jtojoltik, sok te xk'uxul yot'ane ya me stojotesotik bael.¹³Jich me ya jna'tik stojol te ayotik ta stojol te Diose, sok te ay ta jtojoltik uuke, melel ja yak'objotik te Espiritu yu'une.¹⁴Janix jich, jkilotik sok jkak'objatik ta testigo yu'un te Tatil te ja la stikun tel te tul Snich'an swenta yu'un ja koltaywanej yu'un spisil te balumilale.¹⁵Spisil te mach'a ya yal te ja' Jesús te snich'an te Diose, janix me jich te Diose ya me x-ain ta stojol uuk sok janix me jich uuk ya x-ain ta stojol te Diose.¹⁶Janix jich jna'ojtik stojol, sok jch'uunejtek te k'uxotik ta yot'an te Diose. Te Diose ja xk'uxul ot'anil, sok te mach'a ya x-ain ta xk'uxul yot'ane, ay me ta stojol te Dios abi, sok janix me jich te Diose ya me x-ain

ta stojolik uuk.¹⁷Jich yu'un, te xk'uxul ot'anile ja me la stojtesotik ta jpisiltik, jich ay me smuk'ul jkot'antik te k'alal ya xk'ootik ta ich'el ta k'ope, melel teme jich ya xkuxinotik te bit'il te Jesuse, jich me lek ya xkuxinotik ta balumilal.¹⁸Mayuk me xiwel ta stojol te k'uxul ot'anile. Te banti ay te xk'uxul ot'anile ya me xch'oj lok'el spisil te xiwele, melel te xiwele ja yu'un te kastigoe. Jauk me to te mach'a ya xiwe ma me yich'oj tojtesel yu'un te xk'uxul ot'anile.¹⁹Te jo'otike k'ux me ya jkaiybatik ta jkot'antik melel ja neel k'ux la yayiotik stukel te Diose.²⁰Teme ay mach'a jich ya yale: "K'ux ta jkot'an te Diose," jauk me to teme ya yiley te yermanoe, yu'unanix pas lot abi. Melel te mach'a ma k'ux ta yot'an te yermanoe, te mach'a yiloje, ma me stak' ya yal te k'ux ta yot'an te Dios te ma ba yiloj stukele.²¹Janix me jich, te mantalil jkich'ohtik yu'un te Diose: Te mach'a k'ux ya yayi ta yot'an te Diose, janix me jich ya sk'an k'ux ya yayi te yermano.

5¹Teme ay mach'a ya xch'uun te Jesús te ja' Cristoe, ja me bejk'ajem ta swenta te Diose, sok teme ay mach'a k'ux yayioj ta yot'an te Tatile jich me k'ux ta yot'an te mach'a bejk'ajem yu'une.²Jich ya jna'tik te k'ux ya jkaiytk ta jkot'antik te yal-snich'nab te Diose: Teme k'ux ya jkaiytk ta jkot'antik te Diose sok teme ya jch'uunbeytik spasel te mantalil yu'une.³Melel jai to ja xk'uxul ot'anil ta stojol te Diose: Te yakuk k'ejbeytik te smantale. Melel te smantal stukele ma ba wokol ta pasel.⁴Melel te mach'a bejk'ajem ta swenta te Diose ya me stsal te balumilale. Te beluk ya yayi tsalaw ta stojol te balumilale: Ja te xch'uunjel jkot'antike.⁵¿Mach'a te ya stsal te balumilale? Ja te mach'a ya xch'uun te ja Jesús te Snich'an te Diose.**TESTIGO YU'UN TE JESUCRISTOE.**⁶Ja te mach'a tal ta swenta ja' sok ta swenta te ch'ich'e: Ja te Jesucristoe. Ma jauk nax tal yu'un te ich' ja'e, janix jich tal yu'un te la smal xch'ich'el te laj ta cruze.⁷Melel ay oxeb testigoetik yu'un:⁸Ja te Espiritue, ja te ja'e sok te ch'ich'e. Ta yoxchajp'al junax me ayik.⁹Teme ya jkich'tik ta muk' te testigo-k'op te ya yalik te ants-winiketike, jichuk me k'axem to xan ya jkich'beytik ta muk' te testigo-k'op te ya yal stukel te Diose. Melel te testigo-k'op yu'un te Diose ja in to: Te ja la yalbotik sk'oplal te Snich'ane.¹⁰Te mach'a ya xch'uun te Snich'an te Diose ja me xch'uunoj te testigo-k'op te la yal te Diose. Yan te mach'a ma xch'uun te sk'op te Diose, ja me la yalix a te ya spas lot te Diose, melel ma ba xch'uunoj te testigo-k'op te la yal te Dios ta swenta te Snich'ane.¹¹Ja in to ja te testigo-k'op te la yalbotikixe: Te ja Dios te la yak'botikix te jkuxlejaltik ta sbajt'el k'inale sok te kuxlejale ja ta swenta te Snich'ane.¹²Te mach'a yik'oj ta yot'an te Snich'an te Diose ay me xkuxinel ta sbajt'el k'inale. Yan te mach'a ma xch'uunoj te Snich'an te Diose mayuk xkuxlejale stukel.**TE BIT'IL AY SK'OPLAL TE KUXINEL SBAJT'EL K'INALE.**¹³La jts'ibubeyex ta awentaik, swenta yu'un te ya ana'ik te ay akuxinelik ta sbajt'el k'inale, ja'ex te ya ach'uunik te sbiil te Snich'an te Diose.¹⁴Jich ay smuk'ul jkot'antik ta stojol te Diose, teme ay beluk ya jk'anbeytik ta swenta te sk'anjel yot'ane, ya me yayibotik stojol te jk'optike.¹⁵Janix jich, ya me jna'tik te ya yayibotik stojol te jk'optike, sok ya me yak'botik te beluk ya jk'anbeytike.¹⁶Teme ay mach'a ya yil te yermano te yak ta sleel te smule, teme ma jauk ta swenta te lajele, ya me sk'an sk'oponbey Dios, jich te Diose ya me yak' xkuxin uuk. Ja me ya jkal yu'un te ay mulil te ma x-ak'wan ta lajele. Ay me mulil te ya x-ak'wan ta lajele jauk me to ma me ya jkal te ya ak'oponbeyik Dios yu'une.¹⁷Spisil mulil te beluk ma stojil ta pasele, Jauk me to ay me mulil te ma ta swenta uuk te lajele.¹⁸Jna'ohtik stojol te mach'a bejk'ajem ta swenta te Diose, ma ba ya sleulayix smul. Melel ja kananteybil yu'un te Snich'an te Diose, jich me ma stak' yich' uts'inel yu'un te pukuje.¹⁹Jna'ohtikix stojol te yu'unotikix te Diose, sok jna'ohtikix te balumilale ay ta sk'ab te pukuje.²⁰Jauk me to jna'ohtikix te talukix te Snich'an te Diose, sok ja la yak'botikix jna'tik k'inale, swenta yu'un jich me ya jna'beytik sba te mach'a smeletile. Jich jun ayotikix sok te smeletile, ja bi ja' te Jesucristoe. Te ja Snich'an te Diose. Ja mero kuxul Dios stukel sok ja kuxinel sbajt'el k'inale.²¹Jkal-jnich'nab, ma me ach'uunik te lok'ombaetike.